

বিসমিল্লাহির রাহমানির রাহীম

আমাদের প্রাণপ্রিয় ইমাম সৈয়দানা হযরত আমীরুল মুমিনীন খলীফাতুল মসীহ আল-খামেস (আই.) ২ এপ্রিল, ২০২১ ইসলামাবাদ, টিলফোর্ডের মসজিদে মোবারক থেকে প্রদত্ত জুমুআর খুতবাতে হযরত উসমান (রা.)-এর স্মৃতিচারণ করেন।

হুয়ুর (আই.) তাশাহহুদ, তাআ'বুয় ও সূরা ফাতিহা পাঠের পর বলেন, বিগত খুতবার পূর্বে হযরত উসমানের স্মৃতিচারণ করা হচ্ছিল, আজও তা অব্যাহত থাকবে। হযরত উসমানের মাঝে চারিত্রিক পবিত্রতা ও লজ্জাশীলতা অনেক বেশি ছিল। হযরত আনাস বর্ণিত হাদীস থেকে মহানবী (সা.)-এর নিজ সাহাবীদের সম্পর্কে তাদের একেকজনের একেকটি উৎকর্ষের ব্যাপারে জানা যায়; উক্ত হাদীসে মহানবী (সা.) হযরত উসমান সম্পর্কে মন্তব্য করেন যে তাঁর উম্মতের সবচেয়ে লজ্জাশীল ব্যক্তি হলেন হযরত উসমান। হযরত উসমান স্বয়ং একথা বলেন যে ‘আমি কখনও বেপরোয়া আচরণও করি নি, কখনও আকাঙ্ক্ষাও করি নি।’ হুয়ুর (আই.) ব্যাখ্যা করেন, অর্থাৎ তিনি কখনও খিলাফত বা অন্য কোন পদ লাভের বা কোন মিথ্যা প্রশংসার আকাঙ্ক্ষা করেন নি। হযরত আয়েশা (রা.) বর্ণনা করেন যে মহানবী (সা.) তার কক্ষে শুয়ে ছিলেন, তাঁর হাঁটু বা পায়ের উপর থেকে কাপড় সরে গিয়েছিল। এমন সময় হযরত আবু বকর তেতরে আসার অনুমতি চাইলে মহানবী (সা.) ঐ অবস্থাতেই তাকে আসার অনুমতি দেন। তারা দু'জন কথা বলতে থাকেন; ইতোমধ্যেই হযরত উমরও তেতরে আসার অনুমতি চান, মহানবী (সা.) উঠে বসেন এবং নিজের পোশাক ঠিকঠাক করেন, তারপর তাকে তেতরে আসতে বলেন। তিনি চলে যাওয়ার পর হযরত আয়েশা (রা.) মহানবী (সা.)-কে প্রশ্ন করেন যে আবু বকর ও উমরের আগমনে মহানবী (সা.) কোন প্রস্তুতি নেন নি, যেভাবে ছিলেন সেভাবেই তাদের তেতরে আসতে দিয়েছেন; কিন্তু হযরত উসমানের শব্দ পেয়ে তিনি (সা.) সাথে সাথে উঠে বসেছেন এবং পোশাক ঠিকঠাক করে তারপর দেখা করেছেন, এর কারণ কী? উভয়ের মহানবী (সা.) বলেন, ‘আমি কি সেই ব্যক্তিকে লজ্জা করব না, যাকে ফেরেশতারাও লজ্জা পান? সেই সত্ত্বার শপথ যাঁর হাতে মুহাম্মদ (সা.)-এর প্রাণ, নিশ্চয় ফেরেশতারা উসমানকে সেভাবেই লজ্জা পায়, যেভাবে সেই ফেরেশতারা আল্লাহ ও তাঁর রসূল (সা.)-কে লজ্জা পায়! যদি উসমান তেতরে আসতো এবং তুমি আমার কাছেই থাকতে, তাহলে সে ফিরে যাওয়া পর্যন্ত একবারও মাথা তুলে তাকাতো না, কিংবা একটা কথাও বলতো না।’

হযরত মুসলেহ মওউদ (রা.) আল্লাহ তাঁ'লার গুণবাচক নাম ‘করীম’ ব্যাখ্যা করতে গিয়ে হযরত উসমানের এই ঘটনাটি বর্ণনা করেন। হযরত উসমানের ক্ষেত্রে মহানবী (সা.)-এর লজ্জা অবলম্বনের ঘটনা থেকে তিনি (রা.) সিদ্ধান্ত প্রদান করেন, যিনি ‘করীম’ গুণের অধিকারী, তাকে লজ্জা করতে হয়; হযরত উসমান যেহেতু মানুষজনকে লজ্জা করতেন, তাই মহানবী (সা.)-ও তাকে লজ্জা করেছেন। খোদা তাঁ'লা যেহেতু করীম, তাই মানুষের পাপ থেকে বাঁচার, পাপ এড়িয়ে চলার চেষ্টা করা উচিত, তাঁর সামনে পাপ করতে লজ্জা বোধ করা উচিত, তাঁর আদেশ মান্য উচিত। এটা যেন না হয় যে আল্লাহ তাঁ'লা করীম বলে মানুষ পাপে ধৃষ্ট হয়ে যায় আর ভাবে – ‘আল্লাহ তাঁ'লা তো করীম, আমরা পাপ করলেও সমস্যা নেই; তিনি দয়া করবেন, আমাদের ক্ষমা করে দেবেন।’

হযরত উসমানের সরলতা ও আড়ম্বরহীনতা সম্পর্কে আদুল্লাহ রহমীর একটি বর্ণনা সুপ্রসিদ্ধ। তিনি বলেন, হযরত উসমান রাতের বেলা নিজেই ওয়ু করার ব্যবস্থা করে নিতেন। তার কাছে নিবেদন করা হয়, তিনি কোন ভৃত্যকে এর ব্যবস্থা করতে বললে সে সানন্দে তা করবে। কিন্তু তিনি এই প্রস্তাব নাকচ করে দিয়ে বলেন, ‘না! রাত তো তাদের নিজের জন্য, যখন তারা বিশ্রাম নেয়।’ একবার হযরত উসমান মিস্বরে দাঁড়িয়ে মুসলমানদের উদ্দেশ্যে ভাষণ দেন, তাদেরকে খুব শক্তভাবে কোন বিষয়ে সতর্ক করেন ও আল্লাহকে ভয় করার কথা স্মরণ করান। তখন হযরত আমর বিন আস তাকে বলেন, ‘হে উসমান, আপনি এই উম্মতকে অনেক কঠিন কথার সম্মুখীন করেছেন! তাই আপনিও তওবা করুন, আর তারাও আপনার সাথে তওবা করুক।’ হযরত উসমান বিন্দুমাত্র আপত্তি বা সংকোচ করেন নি যে তার ক্ষেত্রে একথা প্রযোজ্য নয়, তিনি তো যথার্থভাবে আল্লাহর তাকওয়া অবলম্বন করেন; বরং তিনি তৎক্ষণাত্মে কিবলার দিকে মুখ ফিরিয়ে দু'হাত তুলে দোয়া করেন- ‘আল্লাহুম্মা ইন্নি আস্তাগফিরুক্কা ওয়া আতুরু ইলাইকা’, ‘হে আল্লাহ, নিশ্চয়ই আমি তোমার কাছে ক্ষমা চাইছি এবং তোমার দিকে প্রত্যাবর্তন করছি।’ উপস্থিত সবাই হাত তুলে তার সাথে দোয়ায় অংশ নেন। তিনি কতটা খোদাভীরু ও বিনয়ী ছিলেন যে কোন তর্কে যান নি, সাথে সাথে হাত তুলে উম্মতের জন্যও দোয়া করেছেন, নিজের জন্যও দোয়া করেছেন।

হয়রত উসমানের দানশীলতা ও বদান্যতা সম্পর্কে তো ইতোপূর্বেও অনেক বর্ণনার উল্লেখ করা হয়েছে; হয়রত উসমান স্বয়ং বলেন, ‘আমি দশটি বিষয় আমার প্রভু-প্রতিপালকের কাছে লুকিয়ে রেখেছি। আমি ইসলাম গ্রহণকারীদের মধ্যে চতুর্থ ব্যক্তি; আমি কখনও বৃথা বিষয়াদি নিয়ে কোন গান শুনি নি, কখনও মিথ্যা বলি নি। যেদিন থেকে আমি মহানবী (সা.)-এর হাতে বয়আত করেছি, সেদিন থেকে আমি ডানহাত দিয়ে নিজের লজাস্থান স্পর্শ করি নি। আর ইসলাম গ্রহণের পর এমন কোন জুমুআর দিন অতিবাহিত হয় নি যেদিন আমি কোন দাস মুক্ত করি নি; জুমুআর দিন কোন দাস না থাকলে সগ্নাহের অন্য কোন দিন এর পরিবর্তে দাস মুক্ত করেছি। আর আমি অঙ্গতার যুগেও কখনও ব্যভিচার করি নি, ইসলাম গ্রহণের পরও কখনও ব্যভিচার করি নি।’ হয়রত উসমানের মুক্তকৃত দাস আবু সাঈদ বর্ণনা করেন, অবরুদ্ধ থাকাকালেও তিনি বিশজন দাস মুক্ত করেন। হয়রত আব্দুল্লাহ বিন মাসউদ বর্ণনা করেন, একবার তারা মহানবী (সা.)-এর সাথে কোন যুদ্ধাভিযানে ছিলেন; এক পর্যায়ে ক্ষুধার তাড়নায় মুসলমানদের চেহারায় তিনি উদ্বেগ এবং মুনাফিকদের চেহারায় আনন্দের ছাপ দেখতে পান। মহানবী (সা.) এই অবস্থা দেখে বলেন, ‘সূর্য ডোবার আগেই আল্লাহ তা’লা তোমাদের রিয়কের ব্যবস্থা করে দিবেন।’ হয়রত উসমানে কানে এই কথা পৌছলে তিনি তৎক্ষণাত্মে শস্যে বোঝাই ১৪টি উট কেনেন এবং ৯টি মহানবী (সা.)-এর সমীপে উপহারস্বরূপ প্রেরণ করেন। অবস্থা দেখে মুনাফিকদের মুখ কাল হয়ে যায়। মহানবী (সা.) দু’হাত তুলে প্রাণভরে হয়রত উসমানের জন্য দোয়া করেন। ইবনে সাঈদ বর্ণনা করেন, ছোটবেলায় তার কাছে একটি পাখি ছিল, একদিন তিনি মসজিদে পাখিটি ওড়াচ্ছিলেন। তিনি দেখেন, মসজিদে অত্যন্ত সুদর্শন এক ব্যক্তি মাথার নিচে ইট দিয়ে শুয়ে আছেন। তিনি তাকে জিজ্ঞেস করেন, ‘বাবু, তুমি কে?’ ইবনে সাঈদ নিজের পরিচয় দিলে তিনি একজনকে পাঠিয়ে তার জন্য একটি পোশাক আনান, তাকে সেটি পরিয়ে দেন ও তার পকেটে এক হাজার দিরহাম দিয়ে দেন। বাড়ি ফিরে তিনি নিজ পিতাকে সবকিছু বললে তার পিতা বলেন, ‘বাবা, জান তিনি কে? তিনি আমীরুল মুমিনীন হয়রত উসমান বিন আফফান।’ হয়রত তালহা হয়রত উসমানের কাছ থেকে পঞ্চাশ হাজার দিরহাম ধার নিয়েছিলেন; যখন তিনি তা ফেরত দিতে চান তখন হয়রত উসমান তাকে বলেন, ‘আপনার বদান্যতার কারণে আমি সেটি আপনাকে উপহার দিয়েছি, সেটি ফেরত নেব না।’

হয়রত উসমান ওহী লিপিবদ্ধ করারও সৌভাগ্য লাভ করেন, সূরা মুয়াম্বিল যখন অবর্তীর্ণ হয় তখন তা হয়রত উসমান লিপিবদ্ধ করেন। হয়রত আয়েশা (রা.) বর্ণনা করেন যে এই ঘটনা প্রচণ্ড গরমের এক রাতে ঘটেছিল; হয়রত জিব্রাইল মহানবী (সা.)-এর উপর ওহী করছিলেন এবং তিনি (সা.) হয়রত উসমানকে বলছিলেন, ‘হে উসমান, লিখতে থাক! ’ হয়রত আয়েশা বলেন, ‘আল্লাহ তা’লা তাঁর রসূলের (সা.) এরূপ নেকট্য অত্যন্ত সম্মানিত ও সন্তুষ্ট কাউকেই দিয়ে থাকেন।’

হয়রত আবু বকর (রা.)-এর খিলাফতকালে প্রথম কুরআনের লিখিত কপি প্রস্তুত করা হয়, হয়রত আবু বকরের জীবদ্ধশায় তা তার কাছেই সংরক্ষিত থাকে। হয়রত আবু বকরের মৃত্যুর পর তা হয়রত উমরের কাছে সংরক্ষিত থাকে, তার মৃত্যুর পর এটি উম্মুল মুমিনীন হয়রত হাফসার কাছে সংরক্ষিত থাকে। আর্মেনিয়া ও আযারবাইজান জয়ের জন্য সিরিয়াবাসীদের সাথে যুদ্ধ শেষে হয়রত হুয়ায়ফা বিন ইয়ামান আমীরুল মুমিনীন হয়রত উসমানকে অবগত করেন যে সেখানে তিনি বিভিন্ন লোকদের বিভিন্নভাবে কুরআন পড়তে দেখেছেন; তিনি শংকা প্রকাশ করেন যে মুসলমানরাও হয়তো ভবিষ্যতে ইহুদী খ্রিস্টানদের মত আল্লাহর কালাম নিয়ে মতভেদে লিঙ্গ হয়ে পড়বে, তিনি যেন উম্মতকে এই বিপদ থেকে রক্ষা করেন। হয়রত উসমান তখন হয়রত হাফসার কাছ থেকে কুরআনের সেই মূল কপিটি আনিয়ে নেন এবং হয়রত যায়েদ বিন সাবেত, আব্দুল্লাহ বিন যুবায়ের, সাঈদ বিন আস ও আব্দুর রহমান বিন হারেসকে সেটির আরও কিছু কপি প্রস্তুত করতে নির্দেশ দেন। শেষেকালে তিনজনকে, যারা কুরায়শ ছিলেন, তাদেরকে তিনি একথাও বলে দেন, যদি কুরআনের কোন অংশের বা শব্দের ব্যাপারে হয়রত যায়েদের সাথে তাদের ভিন্নমত থাকে, তাহলে তা যেন তারা কুরায়শদের ভাষায় লিপিবদ্ধ করেন, কারণ কুরআন কুরায়শদের ভাষায় অবর্তীর্ণ হয়েছে। নতুন কপি প্রস্তুত হলে মূল কপি তিনি হয়রত হাফসাকে ফিরিয়ে দেন এবং বিভিন্ন দেশে এই কপিগুলো পাঠিয়ে নির্দেশ দেন, এগুলো ছাড়া কুরআনের অন্যান্য কপি যেন পুড়িয়ে ফেলা হয়। হয়রত মুসলেহ মওউদের বরাতে হুয়ুর (আই.) এই বিষয়টির বিস্তারিত ব্যাখ্যা তুলে ধরেন। শিয়ারা আপত্তি করে যে হয়রত উসমান নাকি কুরআনের অন্যান্য কপি পুড়িয়ে ফেলিয়েছিলেন, অথচ তার উদ্দেশ্য নিতান্ত মহৎ ছিল এবং এটি করার কারণেই আজ প্রথিবীতে কুরআনের আদি-অবিকৃত রূপটি বিদ্যমান রয়েছে। যখন কুরআন অবর্তীর্ণ হয়েছিল, তা কুরায়শদের ভাষাতেই অবর্তীর্ণ হয়েছিল; কিন্তু কুরায়শের লোক এবং তাদের উচ্চারণ স্পষ্ট ছিল। আরবের অন্যান্য স্থান যেমন তায়েফ, নজদ, ইয়েমেন প্রভৃতি ও বেদুইনদের ভাষা সম্পূর্ণ এক ছিল না। এজন্য মহানবী (সা.) অনুমতি দিয়েছিলেন, সবাই তাদের নিজেদের ভাষায় কুরআনের আয়াতের মূল অর্থ ঠিক রেখে সমার্থক বা উপযুক্ত শব্দ

ব্যবহার করে পড়তে পারে। এটি নিয়েই প্রসিদ্ধ ঘটনা রয়েছে যে হ্যারত উমর, হ্যারত আন্দুল্লাহ বিন মাসউদকে কোন একটি সূরা ভিন্নরূপে পড়তে দেখে তাকে মহানবী (সা.)-এর কাছে নিয়ে যান এবং অভিযোগ করেন, ‘হে আল্লাহর রসূল, আপনি আমাকে যেভাবে শিখিয়েছেন, এটি তো তার থেকে ভিন্ন।’ মহানবী (সা.) আন্দুল্লাহ বিন মাসউদের পঠনকেও সঠিক আখ্যা দেন ও বলেন, কুরআন সাতটি ভাষায় অবতীর্ণ হয়েছে। কিন্তু মদীনা রাষ্ট্র প্রতিষ্ঠার বিশ বছর অতিবাহিত হবার পর, যখন মদীনা আরবের রাজধানী হওয়ার কারণে সব স্থানের মানুষই সেখানে আসা-যাওয়ার ফলে হেজায়ের ভাষা রঞ্জ করে নিয়েছিল এবং ভাষা ও সংস্কৃতির সেই দূরত্ব আর ছিল না, বরং সব একীভূত হয়ে গিয়েছিল, তখন হ্যারত উসমান ঐক্য ও অভিন্নতা ধরে রাখার জন্য এবং সন্তান্য বিশ্বজ্ঞান এড়ানোর লক্ষ্যে এই পদক্ষেপ গ্রহণ করেন। বর্তমান যুগে বিশ্বব্যাপী ইসলামের প্রসারের প্রেক্ষিতে আমরা সহজেই বুঝতে পারি, যদি কুরআনের বিভিন্ন স্থানে ভিন্ন ভিন্ন শব্দ ব্যবহারের সেই সুযোগ এখনও থাকতো, তাহলে ব্যাপক সন্দেহ ও সংশয় সৃষ্টি হতো এবং এর অবিকৃত থাকার বিষয়ে বিরুদ্ধবাদীরা আপত্তি করার সুযোগ পেত। অথচ হ্যারত উসমানের সেই পদক্ষেপের ফলে চরম ইসলাম-বিদ্যৈরাও একথা স্বীকার করে যে কুরআন হুবহু সেই রূপেই বর্তমানে বিদ্যমান, যেমনটি তা হ্যারত মুহাম্মদ (সা.)-এর সময় ছিল।

খুতবার শেষদিকে হুয়ুর পুনরায় পাকিস্তান ও আলজেরিয়াসহ বিশ্বব্যাপী নিপীড়িত আহমদীদের জন্য দোয়া আহ্বান করেন; আল্লাহ তা'লা তাদের বিপদাপদ দূর করুন। জুমুআর পর হুয়ুর (আই.) চীনা ভাষায় নতুন ওয়েবসাইট উদ্বোধন করবেন বলেও ঘোষণা করেন এবং এই ওয়েবসাইটের মাধ্যমে চীনা ভাষাভাষিদের মাঝে খাঁটি ইসলাম ও আহমদীয়াতের বাণী প্রচার হবে— সেই দোয়া ও আশাবাদ ব্যক্ত করেন। হুয়ুর সম্প্রতি প্রয়াত কতিপয় নিষ্ঠাবান আহমদীর গায়েবানা জানায়ারও ঘোষণা দেন এবং তাদের সংক্ষিপ্ত স্মৃতিচারণও করেন; তারা হলেন মুরক্বী সিলসিলা মোহতরম ইউনুস খালিদ সাহেব, আইভরি কোস্টের মোকাররম ডা. নিজামুদ্দীন বুদান সাহেব, ডা. রাজা নাসীর আহমদ জাফর সাহেবের সহধর্মীনী মোকাররমা সালমা বেগম সাহেবা, আন্দুল বাকী আশরাফ সাহেবের সহধর্মীনী মোকাররমা কিশওয়ার তানভির আশরাফ সাহেবা এবং সুদানের আহমদী মোকাররম আন্দুর রহমান হুসাইন মুহাম্মদ খায়র সাহেব। হুয়ুর তাদের রূহের মাগফিরাত কামনা করেন এবং তাদের পদমর্যাদা উন্নত হওয়ার জন্য দোয়া করেন। (আমীন)

[হুয়ুরের খুতবা সরাসরি ও সম্পূর্ণ শোনার কখনোই কোন বিকল্প নেই]